



UNIVERSITÄTS-  
BIBLIOTHEK  
PADERBORN

**Cursus Biennalis Studii Canonici, Sive Succincta Et  
Methodica Sacrorum Canonum Explanatio**

**Engelhard, Johann Martin**

**Moguntiae, 1700**

Titulus XII. De Scrutinio in ordine faciendo.

---

[urn:nbn:de:hbz:466:1-63255](https://nbn-resolving.org/urn:nbn:de:hbz:466:1-63255)



nec valebunt, si à Vicario generali concessæ fuerint, nisi speciale desit per mandatum habuerit; cum ejus potestas & Jurisdictio eo se non extendat. *quaratus sum. bull. pag. 484.*

## TITULUS XII.

De

### Scrutinio in ordine faciendo.

**Q**UÆRES 1. Quid sit scrutinium? R. Quod sit examen ordinationi præmitti solitum, ad explorandum habeatne ordinandus, qualitates, ad sciendos ordines necessarias. Cum enim, ut præcedente titulo dictum, ad ordines sacros promovendi non sint, nisi qui qualitates à jure requisitas habent; hinc ordinationem præcedere debet examen ut sciri possit, an ordinandi digni sint, necne. *Trident. sess. 23. cap. 7. de refor. & Clem. VII. in bullâ quæ incipit, Romanum Pontificem.*

**Q**UÆRES 2. Quotuplex sit scrutinium? Resp. Triplex. Primum debet fieri per mensem ante ordinationem, vel ab Episcopo, vel ab alio quem ad faciendum examen denominaverit, prout novissimè statuit. *Trid. sess. 23. cap. 5. de reform.* Verùm hæc dispositio Concilij in Germaniâ usu recepta non est. Secundum fit feriâ quartâ vel aliâ die ordinationem proximè præcedente, & instituitur, super omnibus qualitatibus superius recensitis, maximè verò super honestate vitæ & doctrinâ necessariâ. *Trident. cit. sess. 23. cap. 7.* cui scrutinio omnes etiam regulares; quibuscunque privilegiis gaudeant, subjiciuntur, ita ut ordinari nequeant, nisi prævio



prævio Examine ab Episcopo judicentur digni. *Trident. sess. cit. cap. 12.* Examen hoc non obiter sed rigorosissime Institui deberet, sic enim ecclesia tot malè moratos & criminosos Clericos non nutriet, & plures qui quandoque titulo ignorantie ordinantur, à sacris ordinibus metu scrutini abstinere; vanum enim est multiplicare gentem, & non magnificare lætitiā. Tertium fit in ipsā ordinatione, interrogante Episcopo an ordinandi digni sint? Archidiacono Respondente, se, quantum humana fragilitas nosse finit, scire & testificari illos esse dignos, hoc autem examen ceremoniale est & pro formā tantum.

**QUÆRES 3.** Quæ sit pœna eorum, qui subter-fugientes scrutinium ordines suscipiunt? Respond. Si ignoti fuerint, pœnam depositionis incurrunt, siue digni fuerint, siue indigni. *can. fin. dist. 24.* Similiter & si noti, indigni tamen fuerint, secus si reperiuntur digni. *can. 4. dist. 81.* Qui canon desumptus est ex Concilio Nicæno *cap. 9.* Hodie verò cum in ipsā ordinatione semper moneantur ordinandi, ut nullus sub pœnā excommunicationis præsumat accedere, qui non fuerit prævio examine approbatus, contravenientes suspensionem incurrunt. *Papæ reservatam. cap. 1. § 3. de eo qui ord. furt. suscep.*



F a

TITU.